

應一辨心香供祖前何時親指道中元

王筠

字竹蓀樂山縣人

福泉山張三丰自寫真容石刻

仙風道骨畫中呈塵尾飄然氣象清茗椀香爐長侍側三花聚

頂見先生

首戴仙花故云

董江

字醒凡號洗凡居士墊江人

醒凡既妙絃歌又工書畫嘗臨三丰先生真容則以瑤琴三疊玉笛一枝遙想絕世超凡之致

張三丰觀潮處

在遵義府烏江上

道藏輯要

三丰全集

古今題贈

三

讀畢集十

川〇上

大海翻身不計年路人猶自說神仙江山到此無塵垢邱壑棲

遲有夙緣隔岸煙鐘初度嶺當門雪浪欲掀天遙知靜坐觀潮

日勝讀南華秋水篇

楊鍾濤

字春平號復淳樂山縣人上舍生

胡給事訪張三丰

元鶴飄然下乾坤間氣鍾幣書承帝命雲水訪仙蹤踏破空明

界飛吟縹緲峯一肩擔日月兩眼認喬松笠屐拚千里煙霞歷

萬重觀應金碧住宮合玉清逢十載風塵涉三山石洞封歸來

遺響在派衍果猶龍